

ՅԱԿՈՎԲ Գ ԿԱԹՈՂՈՍԿՈՍ. — ՌՃԻ = 1671, ՍԵՊՏ. 1.

(Հարևարելով քե ոչ դարձցի Նիկողայոս ի Հոովմայ՝ զԹեոդորոս Վարդապետան
ընտրե արքեպիսկոպոս Լեհահայոց)¹։



ԹՍՈՒՍԻ Քրիստոսի Ծառայ Յակոբ Կաթողիկոս Կաթողիկէ եկե-
ղեցւոյ ամենայն Հայաստանեայց. Վեհ և վերադիտող ամենայն
Հայկազեան սեռի և պատրիարզ առաքելական աթոռոյ ի Վաղար-
շապատ քաղաքի, ի տեղւոյ Իլման Բանին Աստուծոյ, գլխափոխան և
յաջորդ Սրբազնակատար և գերերջանիկ Տեառն մերոյ և հօրն հասա-
րակաց Գրիգորի Լուսաւորչին ի վերայ ընթհանուր Հայկականաց տոհմից
և Թորգոմեանց սեռից, և ամենայն առ հասարակ հաւատացելոց, որք 'ի քա-
ղաք և ի գեօղս յաւանս և 'ի ծերպս վիմաց իցեն բնակեալ։

Գերափայլ իմանալի ճառագայթիւք և լուսով իմաստից արփիւրդեալ և
դրօշմեալ ճմարտաքարոզ վարդապետաց արհի և պանծալի եպիսկոպոսաց վա-
ռելոց լուսով աստուածագիտութեան և ի հովուապետութիւն բանաւոր հօտին
հրաւիրելոց, երկնահրաւէր և աստուածանուէր քահանայից ի սրբազնագոր-
ծութիւն կոչեցելոց, և համօրէն եկեղեցականաց և պաշտօնէից. ամենայն
աշխարհականաց՝ ըստ պատուոյն արհեստին և որպիսութեանն կեցելոց, մե-
ծաց և փոքունց։

Յամսեան Օգոստոսի յաւուր երեքտասաներորդի ի Թուականութեան մար-
դացելոյն Աստուծոյ ՌՈՀԱ և Հայոց ՌՃԻ. յամի Հայրապետութեանս մե-
րոյ ժՁի։

Լուեալ զեկեղեցի Հայոց ի Լեհաց երկրին և զբանաւոր հօտն մեր որբա-
ցեալ և զրկեալ յառաջնորդէն և հովուէն իւրեանց, վասն զնալոյն Նիկողայո-

1. Կաթողիկոսն յիշելով զսա և զՍտեփանոս՝ ծանօթ դիտնական Թարգմանիչն, չքսեր,
բայց ժամանակակիցք վկայեն՝ որ հարազատ եղբարք էին. Պր. Կար. Երզնանցի հրատարակած
Բռնի միութիւն անուն գրոց մէջ՝ կան տեղեկութիւնք Թեոդորոսի վրայօք. Թէ և կասկածոտ
մտօք գրուած, և նոյն մտօք անընդունելի եղած է նա ի յաջորդութիւն Նիկոլէ. զնացեր է ի
Հոովմ, յետոյ ի Սպանիա (ինչո՞ւ համար), և վերջապէս † է ի Հոովմ, յամի 1700 (12
փետր.), 60 տարուան, և Թաղուած է ի Ս. Մարիամ Եգիպտացի եկեղեցում Հայոց։